

بازار ایرتسی

فی ۱۹ جمادی الاخری سنه ۱۳۲۸

وفی ۱۴ حزیران سنه ۱۳۲۶

جمعیت علمیة اسلامیه نك ناشر افکاریدر

صاحب امتیاز :

فاتح مجیز درسعاملرندن
استانبول مبعوثی
مصطفی عاصم

سر محرر :

فاتح مجیز درسعاملرندن
توقاد مبعوثی
مصطفی صبری

مدیر مسئول :

مکتب قضاء معلملرندن
کایسلی منیر

مندرجات

تاریخ اسلام صحائفندن طاهر المولوی	ردی علی مافی القول الجدید مصطفی صبری
اسلامده علوم وفنون ع . عاطف	روسیه مسلمانلری م . صفت
ادبیات	کرید مسئله سی اسکیز سیاستی ع - داود
استبداد ایکتیلری ع خیری	چین مسلمانلری » »




نسخه سی ۱ غروشدرد

آبونه اجرتی (پوسته اجرتیله برابردر)

ممالک اجنبیه ایچون :
۶۰ ، ۲۰ فرانق
» ۳۰ ، ۱۰

استانبول وولایات ایچون :
بر سنه لکی ۶۰ غروش
التي آیانی ۳۰ »



درج اولنیمان اوراق اعاده ایدلمز

قارئلرمنزه

اکثر مقالاته آیات کریمه واحادیث نبویه درج ایدلمش بولندی نظر اعتباره آلهرق رعایتسزلکده بولنلمامسی رجا اولنور .



درسعادت

محمود بك مطبعه سنده طبع اولنمشدر

۲۲۴

كان لم یتم حی سواك ولم یقم

على احد الا عليك النوائج

« نوائج اولویه نوحه ایتک ایچون طوتیلان قاتین معناسنه اولان نائجه نك جمعی اوله رق لم یقم فعلک فاعلیدر فاعل مؤنث حقیقی اولوب ده فعلندن جدا دوشدیکی صورتده فعلک تذکیر و تأیثی جائزدر : حضرت القاضی امراة و حضرت القاضی امراة کبی ، القول الجید نوائجک فعلنده اداة تأیثک بولنمسنی بوصورتاه توجیه یك یوللودکلدر . چونکه بوکا کوره فعل مذکورک جدا دوشمسه تأیثی لازم ایدی . معناسی آکلاشیایر . بو معنی مؤلفک بر قاج سطر آشانیده ذکر ایتدیکی (قامت النوائج علی فلان) مثالک شکلله تأید ایدر بو ایسه طوغری دکلدر . قال الله تعالی و قال نسوة فی المدنیة امراة العزیز الآیة .

فاعلندن جدا دوشمک مسئله سی مفرد و یاثنیه حالنده بولنان فواعل مؤنثه حقنده سویلنیر بروجه اولدینی کبی فصل ایله برابر یسنه اداة تأیثی بولندر مقده اولادر . چونکه فاصله نك تذکیر و تأیث خصوصنده معنوی بر تأیثی اوله میوب محضاً کلامک طول پیدا ایتسنه قارشى اوافاجق براختصار اجراسنه وسیله اوله بیامکدن عبارتدر . کله لم جمع مؤنثله اسناد اولسان فغلارده اداة تأیثک ترکی فاصله وقوعه متوقف اولماق وهمده ترک طرفی راجع اولق اوزره بوجه آتی معلدر :

جمع مؤنثلرده تأیث اصلی و حقیقیدن باشقه (کل جمع مؤنث بتأ ویل الجماعة) قاعده سی ایجابیله برده تأیث تأویلی بولنور و بو ایکی نوع تأیثندن برنجیسی ایکنجینک طریایله نظر اعتباردن ساقط بر حاله کش اوله رق شوصورتاه جموع مؤنثه حقیقه غیر حقیقی مؤنثلر حکمنده بولنمش اولور . بیاناتمز کافی شارحی رضینک تصریحاته مستندر . اوت - ان عرب مقتضب مؤلفک

ظن ایتدیکندن ده اعمیق بر فلسفه یه مالک اولدینی بیلنملیدر .

* *


« قیام نوائج بالفعل واقع اولسون اولسون عرف عربجه موتدن کنایه اولشدر . »

القول الجید

بوراده معنای کنوی مناسبتر اولور . چونکه بو ، ایکنجی فقره نك دخی معنی برنجینک عینی و تکراری اولسنی استلزام ایدر [۱] فلان طویل القامة و طویل الاجاد دینلدیکی زمان حس اولتان مناسبتسزک مدعا مزه شاهددر .

مصطفی صبری

مابعدی وار



روسیه مسلمانلری — ودوما مجلسی

روسیه مالکنده مسلم ، خرستیان ، موسوی ، اهلینک بازار کونلری يوم تعطیل اتخاذ ایلیرینه دایر دومایه ، یعنی مجلس مبعوثاننه برلایحه ویرلش ، مذاکره . سنده باشلانمش . اثنای مذاکره اسلام میعوثلرندن میرزا داتیکفک : بایراملر ، انسانلر ایچون ایشدن ال چکمک دیمک اولیوب بلکه تکرریه قولاق ایچون آیرلش برکون اولدیغندن خرستیانلرک عبادت گونلرینی عموم ملنلره تخصیص ایتک برحقسزاق اوله جنی کبی بولایحه ۱۷ تشرین اولده ایمراطورک ویردیکی بیساننامه مفادینه ده مخالف اوله جقندن عدالتسز لکدر ، یوالی نطق مؤثر بر صورتده دکنمشدر . هله مبعوث مومی

[۱] کتایبلرده معیننک ایکسی ده مراد اولدینی متعارف ایهده مقصود بالاغاده یالکز معنای کنوی اولوب معنای اصلینک مراد اولسی ایسه لفظی اورابه حملدن مانع برقریه موجود اولماقندن عبارتدر .

الیهک : وقتله استبداد ، جهالت زمانلرنده بیله تاتار حکمدارلرینک زیر حکمنده اولان روسلره بویله کران کلهجک برتکلیفده بولمندیغی ، والیوم ترکیاده خرستیان ملتلی بایراملرنده حروفاعل مختار اولدقلرینی ، مشروطیتدن مقدم روسیهده مسلمانلرک بویله برتضیقاته دوچار اولدقلرینی ، خرستیانلرک کندیسنجه مقدس اولان کونلرینی خرستیان اولمالرله زور ایله قبول ایتدیرمکه راضی اولیهجغنی افاده ایدن سوزلری پک مفاخرانه فقط پک سوزشلی در . بومسئله اورنبورغ مسلمانلرنجه پک کران کلهرک شهر تیارتروسنده بر متنیغ عقدایتمشلر علمادن ، تجارتدن ، کنجیلردن برچوق کشیلر مسئلهیه متعلق نطق ایراد ایدرک آرالرنده تقرر ایدن مواد اورنبورغ ، قریم ، قفقاسیه مقیلرینه وقفقاسیه شیخ الاسلامه بیلدیرلمش انلردن بوباده لازمکلان معاونت طاب اولتمشدر .

بزه کلنجه : روسیه دوما مجلسنه بویله برتقریرک ویرلمسنی استبعاد ایتمزسه کده مشروطیت پرور کچین ، حقوق ملیهسنه صاحب ، حریت وجدانیهسنه مالک ، سربستی ادیانہ رعایتکار بر ملتک مجلس ملیسنده بویله تقریر همان رد ایدلیوبده مجلس مناظرهیه قونیلیمسنی کوردکجه کندیغیزی حیرتلیر ایچنده بولبورز . واقعا مسئله ظاهراً بسیط ، اوقدر بسیطدرکه : ایام تعطیلیه نک عموم ملتیر طرفندن متفقاً برکونده بایلهرق مشترکا تجارت ، مشترکا استراحت ایتمکدن عبارتدر فقط معناً پک اهمیتلی پک دلخراشدر . چونکه ایشک ایچنده حریت ملیه ، حریت مذهبییه تعرض ، تجاوز وار . عجبا موسو بلره درتیک سنه دنبری مقدس بیلدکلری یوم سبتک ترکیله انلره بازاری قبول ایتدیرمک ممکن اولورمی ؟ ممکن اولسه رضالریله اوله بیلورمی ؟ . مسلمانلره سز جمعه وایرامکزی اونودکده کلاک بزمله بازاری طانیلم دیتمک آنلرجه پک محترم و « عیدالمؤمنین » اولان برجمهیی ،

برایرامی ، دینی برکونی جبراً ترک ایتدیرمک دیتمک اولمزده یانه اولور ؛ مالک اسلامیهده حریت دینیهسنه آداب ملیهسنه تعرض شویله طورسون کندیلرینه بخش اولنان امتیازات مذهبییه الهده آروحه ، تمیز ایدن خرستیان وطنداشلریمز الله ایچون کندیلری سویله سونلر لسان ملیسنه ، آداب دینیهسنه برتعرض وقوع بولورمی ؟ کرید اطهسنده کی روملرک عجبا عثمانلیلر انده بولندقلری مدتیجه لسانلرینه عادتلرینه آیتلرینه برخلل کلش دومی الحاق !! الحاق !! دیه باغیرییورلر ؟ . وقتله فرانسلر ایلمک مشروطیتی تأسیس ایتدکلری زمان تجدد ! تجدد ! بتون اسکی ناملرینی ، عادتلرینی ، آیتلرینی ، کونلرینی ، آیلرینی دکنیدیرمک ایتدیلر همده ایستیان کنندی کندیلری ایدی . هیچ بر مذهب اوزرنده دیکر دین ومذهبک تغلبی ، تسلطی اندیشهسیده یوق ایدی . یاپه بیلدیلریمی ؟ ینه یورطی ، اسکی یورطی ینه بازار ، اسکی بازار . اسکی عادتق باخصوص آداب دینییهینی مطلقاً زوری زورینه ترک ایتدیرمک دوکیان قانلره ، آصلین دیسلومانلره ، تبعید ایدیلان رهبانلره رغماً ممکن اوله میهجغنی ، اولسه بیله قائده یرینه مضرت تولید ایددجکنی فرانسزلرده آکلادیلر . روسلرک ، مسلمانلره « سز کنندی بایراملر کزده بیله بایرام یایمورسکمز » دیه تعرضلرینه کلنجه : مسلمانلرکده بایرامک ، یاخود جمعه نک قدسیقی ، — اوکونلرده ایشی کوچی ترک ایله ذوق وصفای سیر وسفاهنده بولتمق اولیوب — آنجق اوکونه مخصوص عباداتی ، آدابی یرینه کتیرمک آرالرنده حب وموالاتی آرتیرمق ایچون برلرینی زیارت ایتک ، برلرینک حال وخاطرلرینی صوروشدیرمق دها بوکا بکزر انسانیتله اسلامه متناسب افعالده بولتمقدن عبارتدر . بونکله برابر ایسترسه اوکونلر استراحت ایدرک تعطیل اشغال ایدر . ایستمرسه اوکونلرده ایشیله کوچیله مشغول بولنه بیلیر . « لارهبانیه فی الاسلام » قضیه میجلهسی اسلامک شانی

اعلا ایدن قضا یادندر . شوراسی اونودلش اولسون که :
جمعه کونی جمعه اذانندن نمازک ختامنه قدر جمعه نمازی
قلنان بر محله آلیش ویریش شرعاً منوعدر . بوقدر .
بشقہ یوق !!

اصل وظیفه مزه کلنجہ : حریت ملیه لرینی بویا
بو یولده مدافعه ایدرک قوتک حقه غلبه ایتدیکی بر زمانده
بر مکانه ینه حق هرکسه طامتق ، هرکسه طویورمق
چاره لرینه اوغراشان ، سنه لردنبری روسلرک او اغر تحکملرینه
رغمأ بویله او یانوبده کندی موجودیتلرینی بتون عالم اسلامه
کوسترمک عبرتله ، غیرتله بخش ایدن — باشده او محترم
مبعوث داینگف اولدینی حالده — دین قرنداشلریمزک
بو غیرتله ینه تشکرلر ایدرک جلدی ، صمیمی سلامتی
کندیلرینه اهدا ایدرکن کوزلرمزدن اشک سرور
دو کیورز . و دیورز که الهی ! سن بیوکسک ! قادرسک !
اقطار جهانده حریت ملیه سی ایاقلر اتنده قالان سائر
دین قرنداشلریمزی ده بونلر ، بوجدی ، بوغور مسلمانلر
کبی او یاندر ! او یاندرده کندیلرینه کلسونلر یوکسلسونلر ،
اعتلا ایتسونلرده اسکی عمرانک باتمش ، چوریمش
انقاضی اوزرنده بر نشانه دن برشدی قالمیان بخسارلر ،
خوارزمار ، سمرقندلر ، کاشغرلر اسکیزی کبی ینه مرکز
علم و عرفان ، مهبط فیوضات سبحان اولسون !

بایزید درسه املرندن

م . صفوت



کرید مسئله سی وانکلیر سیاستی

حکومت مشروطه عثمانیه مزی ، بوتون افکار ماتی
اشغال ایتمکده بولنان کرید مسئله سنک آلمش اولدینی
صفحاته قارش « بیان الحق » شمده ینه قدر بیان فکر

و مطالعه ایتدی . چونکه رجال سیاسیه من حسیات و افکار
عمومیه ملیه مظاهرتله غایت متانتکارانه برمساک تعقیب
ایتدیکی جهتله مسأله نک آرزوی عمومی ملته موافق
بر شکلده فیصله لیر اوله بخندن امین بولونیوردی .
خارجیه ناظر مرکز مجاس مبعوثان کرسیسندده اعطا
ایلدیکی ایضاحات رسمیه ده ممنونیت بخش برحالده ایدی ،
لکن « بیان الحق » دده بوکون افکار عمومی بی اشغال
ایدن بومسئله مهمه ینه دایر بر قاج سوز سولیکلی مناسب
کوردک . وطن معزز مرکز بجز مهمه و قیمتداری بولنان
کرید جزیردسی اوزرنده کی حقوق حاکمیت مزی محافظه
خصوصنده هر درلو فداکارلنی اختیار واقچه سامدن
چکینیمه جکمز کبی کرک داخلی ، کرک خارجی بر غائله
ظهورنده علمای اسلامیه نک قایینه مزه مظاهرت ایده چکی ده
بر امر بدیی در .

بوتون جهان سیاست بیلیمک ایجاب ایدرکه حکومت
عثمانیه ؛ خلافت کبرای اسلامیتی ده حائز بولندیغندن
کره ارضک اک مهم قطعه لرنده متمکن بولنان اوچیور
اللی میلیون اهالی اسلامیه اوزرنده دیناً ، سیاسه
صاحب حکم و نفوذدر . چونکه اسلامیت جهت جامعه علویه سی
کرک اقصای شرقده ، کرک منتهای غربده بولنسون
افراد ماسمینی اولیه متین براساس و رابطه ایله یکدیگرینه
رابط ایتمشدرکه انفکاککی غیر قابلدر . بر حالده که جسم
واحد مثابه سندده بولنان عالم اسلامیتک هر هانکی بر عضو
ویا جزئه عارض اولان رخنه دن ، مرزدن عین نسبتله
بوتون افراد مسلمین متأثر اولور .

خصوصیه که حکومت عثمانیه من بوکون اوردای
مشئوم استبداددن تجرد ایده رک جامه مشروع مشورت
و مشروطیتی تابس ایتش اولدیغندن مرکز خلافت قارش
بک صمیمی و غیر قابل تزلزل بر مربوطیت منجذبانه حسی
او یانمشدر . آراتق عالم اسلام حاصل ایتش اولدینی انتباه سایه سندده
دین جلیلمزک احکام اساسیه سیاسیه سنددن بولنان اتحاد